

ডিআরইউর উদ্যোগে ৪০ শিক্ষার্থীকে সংবর্ধনা

যুগান্তর রিপোর্ট

গুজুবাব সাংবাদিকদের সংগঠন ঢাকা রিপোর্টার্স ইউনিটির উদ্যোগে পিইসি ও জেএসসি পরীক্ষায় কৃতিত্বপূর্ণ ফলাফলের জন্য ৪০ শিক্ষার্থীকে সংবর্ধনা ও বৃত্তি প্রদান অনুষ্ঠানের আয়োজন করে। বেলা ১১টার দিকে রাজধানীর সেগুনবাগিচায় ঢাকা রিপোর্টার্স ইউনিটির সাগর-রুনী মিলনায়তনের এ অনুষ্ঠানে প্রধান অতিথি ছিলেন আইনমন্ত্রী আনিসুল হক ও বিশেষ অতিথি ছিলেন ঢাবি ভিসি অধ্যাপক আ আ ম স আরেফিন সিদ্দিক।

ডিআরইউ সভাপতি জামাল উদ্দিনের সভাপতিত্বে অনুষ্ঠানে আরও উপস্থিত ছিলেন ঢাকা সাংবাদিক ইউনিয়ন সাবেক সাধারণ সম্পাদক কুদ্দুস আফ্রাদ, ডিআরইউর সাবেক সভাপতি শাহেদ চৌধুরীসহ সাংবাদিক নেতারা। এছাড়াও অনুষ্ঠানটির স্পন্সর প্রতিষ্ঠান সাইফুরসের চেয়ারম্যান শামস আরা খান ও ব্যবস্থাপনা পরিচালক সাইফুর রহমান খানকেও অতিথি করা হয়।

সভাপতির বক্তব্যে ডিআরইউ সভাপতি জামাল উদ্দিন বলেন, ডিআরইউর প্রতিটি প্রোগ্রামে দেশের স্বনামধন্য ব্যক্তিদের আমন্ত্রণ জানানো হয়। আজকের প্রধান অতিথি আইনমন্ত্রীর একটি বর্ণাঢ্য জীবন রয়েছে। কোমলমতি শিশু শিক্ষার্থীরা তার বেড়ে ওঠার গল্প শুনে উত্বুদ্ধ হতে পারত। সাইফুর'স কোচিং সেন্টারের সহযোগিতায় অনুষ্ঠানের বিষয়ে ডিআরইউ সভাপতি বলেন, ঢাকা রিপোর্টার্স ইউনিটির অর্থের আলাদা কোনো উৎস নেই। বিভিন্ন প্রতিষ্ঠানের সহযোগিতায় আমাদের

অনুষ্ঠান করতে হয়। আজকের অনুষ্ঠানও একটি প্রতিষ্ঠানের সহযোগিতায় আয়োজন করা হয়েছে।

কোচিং সেন্টার সাইফুর'সের পৃষ্ঠপোষকতায় 'কৃতি শিক্ষার্থীদের সংবর্ধনা ও বৃত্তি প্রদানের' আয়োজন করায় অনুষ্ঠানস্থলে এসে ১ মিনিটের মধ্যেই চলে যান আইনমন্ত্রী আনিসুল হক ও ঢাকা বিশ্ববিদ্যালয়ের ভিসি অধ্যাপক আ আ ম স আরেফিন সিদ্দিক।